



Broj: 02-04-2-1161/23
Maglaj, 11.07.2023. godine

ZAPISNIK

sa 29. redovne sjednice Općinskog vijeća Maglaj
održane dana 11.07.2023. godine u 9:00 sati u Sali Općinskog vijeća
JU Dom kulture «Edhem Mulabdić» Maglaj

Dopredsjedavajuća Aida Bašić: Na osnovu člana 59. Poslovnika o radu Općinskog vijeća Maglaj, zaključaka sa sjednice Kolegija od 04.07.2023. godine otvaram 29. redovnu sjednicu Općinskog vijeća Maglaj. Na nastavak današnje sjednice pozvani su pozvani su vijećnici iz parlamentarnih političkih stranaka: SDP, SDA, A-SDA, DF, HDZ BIH, i samostalni vijećnici Elvir Vehabović, Mustafa Bešić, Mirza Bradarić i Mirza Mešić.

Poziv za sjednicu dostavljeni su OSCE terenskom uredu u Travnik, i sredstvima informisanja koji prate rad današnje sjednice Općinskog vijeća.

Pozvan je Općinski načelnik, rukovodioci općinskih Službi. Također su pozvani i zastupnici u Skupštini Zeničko-dobojskog kantona gospođa Emira Drnda-Čičeklić, gospodin Jasminko Kapić i gospodin Hajrudin Ferić. Sve vas selamim i pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata. 11. jula 1995. godine u istočnoj Bosni u zaštićenoj zoni Srebrenica desio se genocid, neviđeni masakr, masovno ubistvo i klanje više hiljada golorukih nemoćnih dječaka, majki, sestara, očeva. Kako je danas poseban dan za sve ljude kojima su pravda, sloboda i dobrota u srcu širom svijeta na dan sjećanja na žrtve genocida u Srebrenici najstrašnijeg zločina 20. vijeka, pozivam sve vijećnike, predstavnike Općinske administracije, medije i goste da sjednicu prekinemo kako bismo svi zajedno položili cvijeće na spomenik Srebreničkim žrtvama rata u ulici koja nosi nasi Srebreničkih žrtava rata i na centralno spomen obilježje šehidima i poginulim borcima Armije Bosne i Hercegovine i odali počast žrtvama genocida i iskazali saosjećanje sa boli sa njihovim porodicama i najmilijim. Na platou ispred JU Opća biblioteka će biti priređen kratki program u znak sjećanja na žrtve zločina i genocida. Mi u Maglaju dobro znamo šta znače ratne patnje i stradanja i zato sa posebnim saosjećanjem danas prisjećamo se jecaja, plača i stradanja srebreničkih majki uz još jednom ponovljenim zavjet: "Ne zaboraviti da se nikad ai nikome ne ponovi". Nakon odavanja počasti sjednicu nastavljamo prema utvrđenom protokolu i Poslovniku. Nastavljamo dalje, želim da vam se ispred rukovodstva Općinskog vijeća zahvalim na ovako dostojanstveno obilježavanju 11. jula, dana Srebrenice i ja se nadam da će ovo postati praksa u budućnosti barem Općinskog vijeća Maglaj.

Molim predstavnicu Službe Općinskog načelnika i Općinskog vijeća, da prozivkom vijećnika utvrdimo broj vijećnika na nastavku 29. redovne sjednice Općinskog vijeća. Na današnjoj sjednici nisu prisutni: Pero Mamić, Svjetlana Zamboni, Elvir Arnautović, Jasmin Đuhara, Arif Mujkanović, Almin Smailović, Firuz Galijašević, Senad Šehić, Samir Fetić, Fikret Delić, Mustafa Bešić i Mirza Bradarić. Današnjoj sjednici Općinskog vijeća Maglaj prisustvuje 13 vijećnika. Nije prisutno 12 vijećnika koji nisu najavili, niti opravdali svoje odsustvo. Konstatujem da Općinsko vijeće može punovažno raditi i odlučivati i donositi Odluke, zaključke i rješenja, čime je ispoštovan član 88. Poslovnika o radu Općinskog vijeća Maglaj. Na današnjoj sjednici izvršit ćemo verifikaciju

zapisnika sa 28. redovne sjednice, da li ima primjedbi na zapisnik. Nema. Stavljam zapisnik na verifikaciju, ko je za ?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je 13 vijećnika izvršilo verifikaciju zapisnika sa 28. redovne sjednice Općinskog vijeća Maglaj. Otvaram raspravu po pitanju Dnevnog red. Na zahtjev Kluba SDA pauza. Nakon pauze nastavljamo dalje, otvaram raspravu po pitanju Dnevnog reda. da li ima prijedloga za proširenje. Na samom početku evo prije nego što se vijećnici jave za riječ, obavezna sam ispred rukovodstva Općinskog vijeća da vas izvijestim i vi ste dobili na mail adresu zahtjev od Komunalnog javnog društva Maglaj u kojem stoji: Molimo vas da na prvoj narednoj sjednici Općinskog vijeća Maglaj, odnosno 11.07. na 29. redovnoj sjednici razmotrite i donesete zaključak u kojem ćete ovlastiti lice koje bi ispred Općinskog vijeća, kao osnivača Komunalnog javnog društva potpisalo prijavu za registraciju sa predmetom upisa promjene lica ovlaštenog za zastupanje kod nadležnog registarskog suda. Da ne čitam dalje, materijal ste svi dobili, predlažem da stavimo u sklopu ovog Dnevnog reda kao tačku 1. da Općinskog vijeće danas donese zaključak da ovlastimo lice koje će ispred Općinskog vijeća kao osnivača potpisati prijavu za registraciju, sa predmetom upisa promjene lica ovlaštenog za zastupanje kod nadležnog registarskog suda. Izvolite vi dalje. Abdurahmanović izvolite.

Vijećnik Adis Abdurahmanović: Selamim i pozdravljam sve prisutne, što se tiče današnjeg Dnevnog reda ja ispred Kluba imam prijedlog s obzirom da je prva tačka koja se našla na Dnevnom redu, koja glasi Prijedlog Odluke o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lerzolita na ležištu Klanci KO Strupina općina Maglaj. S obzirom, da je ova tačka Dnevnog reda veoma bitna za našu općinu, sa posbenim akcentom na područje Novog Šehera, uzimajući u obzir da kolege iz SDP-a, HDZ-a i samostalni vijećnik Mustafa Bešić danas nisu prisutni a veoma je bitno da po ovoj tački prisustvuju svi vijećnici i raspravljaju da se u konačnici donese najbolja odluka. Predlažem da se ova tačka skine. Također, dodao bih jedan prijedlog da na narednoj sjednici na kojoj se nađe ova tačka bude pozvan i investitor, pošto je došlo do određenih kontradiktornosti u odnosu na materijal koji smo dobili, zapisnike ustvari u zapisnike nisu unešene neke stvari koje je investitor iznosio na raspravama. Hvala.

Dopredsjedavajuća Aida Bašić: Hvala Abdurahmanović. Izvolite gospodin Vehabović.

Vijećnik Elvir Vehabović: Sve vas pozdravljam i dajem jednu tačku da kažem prijedlog za Dnevni red. Da li će nositi naziv odluka ili zaključak a odnosi se na da se današnja naknada za ovu sjednicu uplati taj novčani iznos od nas 13 koji smo tu prisutni da se uplati u korist Memorijalnog centra Srebrenica, kao neki vid simbolične pomoći u radu tog centra.

Dopredsjedavajuća Aida Bašić: Hvala Vehabović. Da li ima još prijedloga, ukoliko nema pozivam Kolegij na kratku sjednicu. Molim vas nastavljamo dalje, nakon sjednice Kolegija jednoglasno je usvojeno da se prihvati proširenje Dnevnog reda, odnosno prijedlozi koji su izneseni. U svakom slučaju glasat ćemo za svaki prijedlog pojedinačno. Pa prvi prijedlog koji sam iznijela ja ispred rukovodstva je bio da se donese zaključak kojim se daje ovlaštenje ispred Općinskog vijeća kao osnivača Komunalnog javnog društva da potpiše prijavu za registraciju u postupku promjene lica ovlaštenog za zastupanje Komunalnog javnog društva kod nadležnog registarskog suda. Ko je da se ova tačka stavi na Dnevni red?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bežić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je 13 vijećnika glasalo za. Protiv i uzdržanih nema. Drugi prijedlog je bio da se skinu tačka broj 1. koja je bila planirana, odnosno Prijedlog Odluke o davanju prethodne saglasnosti za pokretanje postupka za dodjelu koncesionog prostora za istraživanje i eksploataciju mineralnog resursa lertzolita na ležištu „Klanci“ KO Strupina, općina Maglaj, te da se zaduži služba za urbanizam i geodetske i imovinsko pravne poslove da uputi poziv investitoru za dolazak na sjednicu Općinskog vijeća na kojoj će se raspravljati o ovoj tački. Ko je za ovaj prijedlog?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je 13 vijećnika glasalo za. Prijedlog tri je bio da se donese zaključak da se naknada sa 29. redovne sjednice Općinskog vijeća preusmjeri za potrebe rada Memorijalnog centra u Srebrenici, ko je za?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Na osnovu navedenog Dnevni red bi izgledao ovako:

DNEVNI RED

1. Prijedlog Odluke o usvajanju djelimične izmjene Regulacionog plana „BIJELA PLOČA“, po zahtjevu Čatić Huseina Maglaj
2. Zaključak (o davanju ovlaštenja ispred Općinskog vijeća Maglaj kao osnivača Komunalnog javnog društva doo Maglaj, da potpiše prijavu za registraciju u postupku promjene lica ovlaštenog za zastupanje Komunalnog javnog društva doo Maglaj kod nadležnog registarskog suda
3. Zaključak (kojim će se naknada za prisustvo vijećnika 29. redovnoj sjednici Općinskog vijeća Maglaj preusmjeriti za potrebe rada Memorijalnog centra u Srebrenici)

Ko je za ovakav predloženi Dnevni red?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je 13 vijećnika glasalo za.

AD – 2: Prijedlog Odluke o usvajanju djelimične izmjene Regulacionog plana „BIJELA PLOČA“, po zahtjevu Čatić Huseina Maglaj

Dopredsjedavajuća Aida Bašić: Prelazimo na tačku 1. a to je Prijedlog Odluke o usvajanju djelimične izmjene Regulacionog plana „BIJELA PLOČA“ po zahtjevu Čatić Huseina, Maglaj. Da li je potreban uvodničar. Ukoliko ne treba, tačku stavljam na glasanje ko je za?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je tačka dobila potrebnu većinu.

ZAKLJUČAK

1.1. Donosi se Odluka o usvajanju djelimične izmjene Regulaionog plana „BIJELA PLOČA“, po zahtjevu Čatić Huseina Maglaj

AD 2. Zaključak (o davanju ovlaštenja ispred Općinskog vijeća Maglaj kao osnivača Komunalnog javnog društva doo Maglaj, da potpiše prijavu za registraciju u postupku promjene lica ovlaštenog za zastupanje Komunalnog javnog društva doo Maglaj kod nadležnog registarskog suda

Dopredsjedavajuća Aida Bašić: Na osnovu materijala koji ste dobili vidjeli ste o čemu se radi i vidjeli ste da se ustavri radi o hitnosti donošenja ovakvog zaključka kako bi Komunalno javno društvo moglo normalno i funkcionisati u skladu sa svojim pravima i obavezama. Otvaram raspravu po ovom pitanju gospodin Begić izvolite.

Vijećnik Jasmin Begić: Ja vas sve selamim i pozdravljam. Možda neću biti baš u nekom najboljem izdanju, emocije su na današnji dan prevelike, ali mora se raditi, radni je dan. Ova tačka Dnevnog reda je došla na vrijeme, vidjeli smo na prošlim sjednicama kako se vlast zalaže za poskupljenje vode. Trenutnoj vlasti je najbitnije samo da se poskupi bilo koja usluga ili neki artikl samo da će njima biti bolje. Ova tačka govori o hitnosti ove sjednice zbog toga što radnici Komunalnog ne bi mogli dobiti plate, da mi danas ne zasjedamo i da mi danas ne donosimo Odluku kojom ćemo imenovati vršioca dužnosti i da može verifikovati potpis u sudu u Zenici. Također vidjeli smo da imamo uposlenike ovdje iz Komunalnog koji su se prošle sjednice zalagali za prava radnika, odnosno za svoja prava. Njih danas također nema. Njima nisu bitni radnici, njima nije bitan stvarni zakonski okvir koji ovo vijeće mora donositi. Njima nije bitan rad, njima je bitna politika. To je pokazao i prethodni direktor Komunalnog koji je uredno ostavio probleme i otišao u mirovinu. Isto tako v.d. kojeg ćemo imenovati također nije na ovoj sjednici a zna da bez našeg potpisa, naše Odluke nema ni njemu plate, nema ni plate radnicima u Komunalnom. Na prethodnim sjednicama smo fino insistirali na sistemskom rješenju u Komunalnom javnom društvu Maglaj, pa taman da bude i poskupljenje ali hajmo sistemski to riješiti, ne ad hoc. Mi smo bili imenovani kao ti koji mrzimo radnike, mrzimo Komunalno a ne mrzi ova vlast koja je i imenovala direktore i vlast koja je naknadno zaposlila više od 10 ljudi i zato su problemi. Ja se zahvaljujem ovim vijećnicima koji su danas stvarno došli ovdje. Pored svih ovih emocija koje imamo da izglasamo i donesemo Odluku kojom ćemo imenovati vršioca dužnosti, tako da će radnici, računari i dobavljači i porezi i sve uredno se moći isplaćivati ovih mjesec-dva dana dok se ne imenuje direktor. Ja predlažem da ovu Odluku usvojimo.

Dopredsjedavajuća Aida Bašić: Gospodine Begić, samo malo. Da li imate prijedloga kome će Općinsko vijeće dati ovlaštenje za potpisivanje ove prijave?

Vijećnik Jasmin Begić: O detaljima kome ćemo dati stvarno ne znam, nisam upoznat u kadrovsku politiku u Komunalnom. Pozivam neke vijećnike koji imaju više informacija vezano za Komunalno da donese neki prijedlog, stvarno ja ne znam kadrovsku politiku. Vjerujte da me toliko i ne interesuje.

Dopredsjedavajuća Aida Bašić: Dajemo saglasnost ispred Općinskog vijeća, u ranijem periodu to je bila predsjedavajuća Općinskog vijeća. Mi možemo uraditi po istom principu.

Vijećnik Jasmin Begić: Dopredsjedavajućoj dajemo, ja dajem saglasnost da potpiše ove Odluke.

Dopredsjedavajuća Aida Bašić: To je Vaš prijedlog dobro. Da li ima još diskutantata po ovom pitanju. Ukoliko više nema diskutantata zatvaram raspravu, te ću vam pročitati zaključak koji trebamo da usvojimo i kojim bi dali ovlaštenje. Zaključak bi glasio: "Daje se ovlaštenje dopredsjedavajućoj Bašić Aidi da u ime Općinskog vijeća Maglaj, kao osnivača Komunalnog javnog društva d.o.o. Maglaj, potpiše prijavu za registraciju u postupku promjene lica ovlaštenog za zastupanje Komunalnog javnog društva d.o.o. Maglaj kod nadležnog registarskog suda.

Ovlaštenje se izdaje u svrhu podnošenja prijave upisa promjene lica ovlaštenog za zastupanje u registar kod Općinskog suda Zenica kao nadležnog registarskog suda, za lice Azru Pepelar, diplomiranog ekonomistu na funkciju v.d. direktora Komunalnog javnog društva d.o.o. Maglaj, a shodno Odluci o imenovanju v.d. direktora Komunalnog javnog društva Maglaj broj: 01-968-4/23 od dana 26.06.2023. godine.“ Ko je za ?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je 13 vijećnika glasalo za.

ZAKLJUČAK

2.1. Donosi se Zaključak, kojim se daje ovlaštenje Aidi Bašić, dopredsjedavajućoj Općinskog vijeća Maglaj da u ime Općinskog vijeća Maglaj, kao osnivača Komunalnog javnog društva doo Maglaj, potpiše Prijavu za registraciju u postupku promjene lica ovlaštenog za zastupanje Komunalnog javnog društva doo Maglaj kod nadležnog registarskog suda.

AD 3. Zaključak (kojim će se naknada za prisustvo vijećnika 29. redovnoj sjednici Općinskog vijeća Maglaj preusmjeriti za potrebe rada Memorijalnog centra u Srebrenici)

Dopredsjedavajuća Aida Bašić: Prelazimo na treću tačku koja glasi da se donese zaključak da se naknada sa 29. redovne sjednice Općinskog vijeća preusmjeri za potrebe rada Memorijalnog centra u Srebrenici. Otvaram raspravu, gospodin Mešić izvolite.

Vijećnik Mirza Mešić: Pozdravljam sve prisutne, samo kratko u tom zaključku mislim da bi trebalo da stoji 13 vijećnika, nisam dobro razumio.

Dopredsjedavajuća Aida Bašić: Emina će definisati svakako. 13 vijećnika, odnosno 13 danas prisutnih koji će svakako potpisati se na obrazac koji uvijek potpisujemo kada prisustvujemo sjednici. Da li ima još neko? Zatvaram raspravu, te ovaj zaključak stavljam na glasanje, ko je za ?

Glasalo za: Maid Suljaković, Eldin Pehrat, Adis Abdurahmanović, Edin Salatović, Jasmin Begić, Safet Jašić, Mirsad Bejzić, Eldis Kusur, Edin Osmić (SDA), Mirza Mešić (samostalni vijećnik), Elvir Vehabović (samostalni vijećnik), Aida Hadžić (DF), Aida Bašić (NES).

Glasalo protiv: Nema.

Uzdržanih: Nema.

Konstatujem da je 13 vijećnika glasalo za, što znači da smo usvojili navedeni zaključak. Hvala.

ZAKLJUČAK

3.1. Donosi se Zaključak, kojim se naknada za prisustvo vijećnika 29. redovnoj sjednici Općinskog vijeća Maglaj preusmjerava za potrebe rada Memorijalnog centra u Srebrenici.

Prelazimo na vijećnička pitanja i inicijative. Gospodin Jašić izvolite.

Vijećnik Safet Jašić: Selamim i pozdravljam i a imam jednu vijećničku inicijativu i odnosi se baš na ovaj današnji dan, odnosno genocid u Srebrenici. Imajući u vidu značaj 11.07. dana kada se 1995. godine desio genocid u zaštićenoj zoni Srebrenice, te da se taj dan obilježava sa posebnim pijetetom prema žrtvama kao i da se veliki broj naših građana taj dan odlazi u Srebrenicu, pokrećem vijećničku inicijativu prema nadležnim općinskim, kantonalnim i federalnim institucijama i tijelima uprave da se 11.07. proglasi neradnim danom na području Federacije Bosne

i Hercegovine. Molim rukovodstvo Općinskog vijeća Maglaj da ovu inicijativu proslijedi prema nadležnim organima u Federaciji i kantonu.

Dopredsjedavajuća Aida Bašić: Hvala Jašiću. Da li ima više inicijativa. Nema, ukoliko nema konstatujem da je 29. redovna sjednica završena u 10,31 sati.

Zapisničar

Elza Gračić



DOPREDSJEDAVAJUĆA

Aida Bašić

